

尚

書

辨

解

尚書辨解卷二

郝敬解

夏書

禹貢

貢。供也。夏后氏田賦之名。篇中言方貢兼田賦而獨以貢名。何也。田賦不自禹始。方貢自禹始也。唐虞以前。田皆有賦。而壤無定則。或田薄而賦重。或田厚而賦反輕。禹平九州。閱田爲九等。律以舊征之數。殊不相當。故復于帝曰。咸則三壤。成賦中邦。蓋壤自禹平。而賦由帝裁。若方物因地產。前此地所有而上不知。上所用而下不貢。禹隨方列數以獻。是謂禹貢。不言

賦者取于下之數不敢專也言貢者獻于上之名所
自定也惟冀州不言貢帝都也土之所有自取給不
與他州并列也

禹敷土隨山刊木奠高山大川

史臣錄禹貢而首記此爲一篇之要領也治水而言
敷土者貢賦出于土敷土所以治水也敷分布也洪
水瀰漫平土皆沒故隨山相其形勢刊除林木以通
道也九州各因山川以爲界限故定其山之高川之
大者表其區域然後疆理可施如下文堯之濟河青
之海岱此類皆所謂高山大川也奠猶定也

冀州既載壺口。治梁及岐。既修太原。至于岳陽。覃懷底績。至于衡漳。厥土惟白壤。厥賦惟上上錯。厥田惟中中。恆衛既從。大陸既作。島夷皮服。夾右碣石。入于河。

冀州卽今北京。山西連河南境。于九州地近北。冀趾立也。北方地高。可跂望九州。故曰冀。堯所都也。東西南三面阻河。王制曰。自東河至西河千里而近。禹功經始。帝都故首冀。八州皆指其疆域所在。冀獨否者。帝鄉目前。嫌有分土也。載始事也。壺口。梁岐三山名。壺口山在今山西平陽府吉州。梁山。禹鑿龍門處。在今山西大原府交城縣。岐山。孤岐山。在今山西。

汾州府介休縣三山皆河水所經治以導河也太原
卽今山西太原府太原縣岳卽霍太山在今平陽府
霍州山南曰陽汾水出大原經霍山入河此導汾也
覃懷地名今河南懷慶府河內等縣地多平坦故云
覃懷先儒謂其地當在孟津之東大行之西涑水出
其西淇水出其東洪水襄陵而平地功成則水患全
消矣底抵通成功曰底績漳水有二一清漳出今太
原府平定州樂平縣沾嶺一濁漳出今潞安府長子
縣發鳩山衡古橫通水橫流卽濁也濁漳東流至鄴
與清漳合入于河後世河東徙而漳獨入海矣白土

色白也壤土和柔也厥賦舊賦也厥田新田也洪水
爲患田無定賦民之疾苦無由上達而上亦無由盡
知禹周歷山川分九州之田爲上中下三壤三壤之
中又各分三壤共爲九等以今旣平之土按舊徵之
數田之美惡與賦之輕重殊不相蒙冀州地當京師
費煩役重故厥賦上上爲九州第一而察其田實惟
中中是以五等之田出一等之賦也錯雜也不皆上
上而間有上上者故曰錯後倣此凡言錯者賦皆重
也恆衛二水名恆水出今北京真定府定州曲陽縣
恆山東流合滹水入易水也衛水出今真定府靈壽

縣東流合漚沱水亦入易水也從就道也大陸一名
廣阿澤在今北京順德府鉅鹿縣平地曰陸古河近
北卽今真定順德等地水平皆可耕作故槩以大陸
誌之島夷東海島中夷通貢京師者其俗以皮爲服
自海入貢之路由海口碣石山左入河西行而右顧
碣石如峽中故曰夾也冀州三方帶河貢道皆入河
達京師其北則漁陽上谷右北平遼東等處皆中高
不與河通亦東循海由碣石入不及者禹所詳皆東
南水道北地高故畧也言島夷志海道也碣石在今
北京永平府昌黎縣山頂有石如柱人言卽禹碣石

先儒謂碣石淪入海無復禹舊蹟矣

濟水河惟兗

衍州

九河既道雷夏既澤澚沮會同桑土

既蠶是降丘宅土厥土黑墳忿厥草惟繇遲厥木惟條

廢田惟中下厥賦貞作十有三載杜乃同厥貢漆絲厥

篚織文浮于濟漯榻達于河

兗州在冀州東卽今山東連河南境其地平行無高

山故曰兗但舉其大川濟河爲域東南據濟西北距

河濟河詳見導水濟當作洑其从齊者水出恆山郡

房子縣贊皇山非兗濟也今北京真定府有臨城贊

皇二縣臨城卽房子也九河禹疏以殺河流入海之

道世遠淪沒河徙無常不復可考爾雅之九名未敢
信其然也雷夏澤名雷水聲夏大也在今山東兗州
府曹州水汎濫則不見澤水退澤出故曰旣也水自
河出爲灘自濟出爲漚沮卽漚也會同會聚同流也
或曰灘卽汴也沮卽睢也汴水出陳畱浚儀北渠卽
今河南開封府祥符陳畱二縣祥符卽漢浚儀也灘
水入睢睢東入泗睢水出今河南歸德府商丘縣古
睢陽也兗土多桑宜蠶蠶畏濕水退故曰旣蠶土高
曰丘兗地平民避水則升丘水退降而宅于平土也
黑土色墳土疏散也繇細草也條小木也兗徐揚三

州下流地卑。浸沒尤甚。水退草木方長。故堯曰。綵條
楊曰。天喬徐曰。漸包也。堯田居九州第六。較見征之
賦。正相當貞正也。九州之賦。惟堯獨正者。以其地卑。
水患尤甚。去帝都近。而民苦易知也。然以旣平之土。
準舊數。僅相當。則未平之先。雖堯亦重。而他處可知
矣。作治也。用功十有三載。乃得與他州同治。堯獨難
也。蓋中原之水。莫大于河。堯當其衝。而地最平。䟽洩
難。又帝都下流。防禦宜固。故成功獨後。堯事旣集。而
禹功畢矣。或疑十三載。與孟子云八年殊。孟子謂不
入家門者八年。非謂治水止八年也。貢者下供上之

名非上所以賦下也。九州無地非田故無州無賦貢。非田賦其地適有是物可貢有則貢無則已非上所徵故曰貢。後人因禹貢并以爲夏一代田賦之名耳。兗宜漆宜蠶故貢漆絲篚筐屬所以盛也。織文錦綺之類舟行曰浮。漯水名漢志作濞在今山東東昌府清平縣至濟南府濱州入于海。兗州之貢浮濟漯達河至于帝都。

海岱惟青州。嶠夷旣畧。濰淄其道。厥土白墳。海濱廣斥。厥田惟上下。厥賦中上。厥貢鹽絺。海物惟錯。岱畎絲枲。鉛言松怪石。萊夷作牧。厥篚檿絲。浮于汶達于

濟

青州在兗州東卽今山東境其地東北跨海西南距岱岱卽泰山東方青色故曰青州舜分其地置營州卽今遼東朝鮮等處也嵎夷卽堯宅羲仲東極之地也畧畧治之濱海邊裔功少也濰水出今山東萊州府高密縣東北流至濰州昌邑縣入海淄水出今山東濟南府泰安州萊蕪縣原山北東流至青州府壽光縣入海其道各就道也水莫大于河濟淮江漢而兗受河濟徐受淮揚受江漢獨青地不當諸水之衝又其地稍近北左高外跨海消納衆流獨一濰淄易

治耳故成功獨省也廣斥海濱地廣開斥也斥開大
也或釋鹹海斥地鹹非斥卽鹹也青田在九州第三
賦居第四較他州則青賦輕矣絺葛繒之細者錯雜
也海物品多不齊也岱畎泰山之谷棗芋麻也怪石
異石也萊東海小國牧其長也臯陶謨曰外薄四海
咸建五長卽此類廩山桑其蠶繅最韌中琴瑟之絃
以爲繒則堅俗名山鹽萊牧之貢也汶水出萊蕪縣
原山與淄水同而淄出山之陰東北入海汶出山之
陽西南入濟濟入河達于帝都不言河因于克也
海岱及淮惟徐州淮沂宜其乂蒙羽其藝大野旣豬朱

東原底平厥土赤埴磬去墳草木漸包厥田惟上中厥

賦中中厥貢惟土五色羽畎夏翟秋澤亦陽孤桐泗濱

浮磬淮夷璜珠暨魚厥篚玄纁縞浮于淮泗達于河

徐在兗南卽今山東連河南南京境東至海北至岱

南至淮西不及濟者青徐共濟不足以辨也淮沂二

水淮水出豫州桐柏山今河南南陽府唐縣山淮水

至揚徐始大而徐尤受害故淮又于徐言之沂水出

今山東兗州府沂州艾山南流至南京淮安府邳州

入泗蒙羽二山名蒙山在今山東青州府蒙陰縣羽

山在今淮安府海州贛榆縣大野澤名卽今山東兗

州府濟寧州鉅野縣地既豬猶既澤水平故見澤也
東原卽今兗州府東平州地平衍與大野近故曰東
原大野東原皆濟水所經也土濕而膩曰埴燥而散
曰墳埴墳者燥濕半也漸包水退而草木漸長含苞
也徐田在九州爲第二賦居第五輕也五色土可用
爲塗飾或云王者以五色土爲社大抵方物當貢不
必盡鑿求所用也羽卽前羽山畎山谷中產五色雉
夏大也翟雉也五采雉羽可用爲飾嶧山名今邳州
葛嶧山也山南曰陽孤桐桐之挺直者琴瑟之材也
木向陽則易長泗水出今山東兗州府泗水縣陪尾

山源有四泉故名西南流過徐州卽古彭城又東南過下邳入于淮濱水邊泗水傍山流出石有可爲磬者水漂石出曰浮非石能浮也然不曰石而曰磬者成磬乃貢也淮夷淮上之夷卽詩所云徐方淮夷也蠙與蚌通珠生于蚌暨及也玄纈玄色細繒也縞蒼白繒也泗水通汴汴卽濰也自汴達河泗與濟通亦可達河也

淮海惟揚州彭蠡里旣豬陽鳥攸居三江旣入震澤底

定篠小簦唐上旣敷厥草惟夭厥木惟喬厥土惟塗泥

厥田惟下下厥賦下上上錯厥貢惟金三品璫璆篠簜

齒革羽毛惟木島夷卉服厥篚織貝厥包橘柚又錫貢
沿于江海達于淮泗

揚在徐南卽今南京浙江江西福建廣東境北至淮
東南至海其土風輕揚故曰揚彭蠡卽彭澤在今江
西南康府星子縣東南鄱陽湖也陽鳥鴈也鴈隨日
南北日夏至漸南冬至漸北鴈九月南正月北南方
洲渚間多有之陽鳥得所洲渚旣平可知三江岷山
之江爲中江嶓冢之漢爲北江豫章之江爲南江此
則主揚州而言諸水之入中江者三也蓋中江直東
下而漾漢自夏口一入彭蠡自湖口再入震澤自京

口三入遂歸海故曰三江旣入也震澤一名具
今蘇州府吳縣之太湖距京口近吳會之水入江而
震澤底定矣篠小竹蕩大竹敷徧生也草新長曰天
木竦起曰喬塗泥土帶水也揚田居九州第九而賦
雜出第七第六亦重也三品金銀銅也瑤琨石似玉
者象有齒犀兕有革鳥有羽獸有毛木有梗梓豫章
之屬皆可備材用也島夷卉服南海夷人績草爲衣
服卉草也織貝織文如貝詩所謂貝錦也包裹也小
曰橘大曰柚橘柚易爛難致遠上命而後貢非常貢
也貢則與之值故曰錫貢與大龜磬錯同也貢船沿

江而下出海入淮泗達河不言達河者因于徐也古
江不與淮泗通吳王夫差會黃池始開邳溝至隋人
廣之而江淮始通孟子言排淮泗注江必別有故道
今不可考矣

荆及衡陽惟荊州江漢朝宗于海九江孔殷沱潛旣道
雲土夢作又厥土惟塗泥厥田惟下中厥賦上下厥貢
羽毛齒革惟金三品杙 春 榦 枯 脂 柏 礪 砥 紙 簠 奴惟
菌窘 路 楷 戶三邦底貢厥名包匭葵 菁 精茅厥篚玄
纁璣組九江納錫大龜浮于江沱潛漢逾于洛至于南
河

荆在揚西卽今湖廣達廣西貴州境荆勁也風氣勁
強也其域北距荆山南及衡山之陽荆山與雍異在
今湖廣襄陽府南漳縣衡山在今衡州府衡山縣山
南曰陽及衡陽言不止衡山併包其南也荆地南逾
五嶺百粵西抵梁東盡江淮北接雍豫江漢二水名
朝宗于海猶灘沮之言會同不橫溢之稱九江或謂
潯陽或謂洞庭世遠蹟湮茫不可考諸家所述巴陵
之九水潯陽之九江皆未敢信其然也大抵天下之
水莫大于江與河故河有九河江有九江皆其䟽淪
之支流九河導河入海九江導衆流入江古人于凡

數之聚者多言九後人因數撰名轉相附會耳江行
楚地橫亙數千里自洞庭以南衡岳五嶺以北衆水
通于江者甚多皆由洞庭散而南至潯陽會而北此
其大勢較著者也餘詳導江孔甚也殷會也如殷見
之殷衆水盛會卽朝宗會同之意水自江出爲沱自
漢出爲潛雲夢二澤名江北曰雲春秋傳云楚子濟
江入于雲中將奔隨卽今德安府隨州江北也又云
楚子以鄭田于江南之夢則今岳州常德洞庭以南
長沙湘潭皆是跨江之南也故司馬相如賦云雲夢
方八九百里蓋荆地廣遠江湖湊集南北沮洳之地

皆可稱雲夢言雲水蒼茫夢昧然也雲土
成土夢又夢地耕作又治也荆田居九州第八賦居
第三重也杔椿通有二種香者曰椿臭者曰樗椿中
琴材字亦作楷左傳孟莊子斬其楷以爲公琴其葉
芽春生香美可食故謂之椿榦弓榦柘也松身栢葉
曰栢礪砥皆磨石礪麤砥細也礪石可爲矢鏃丹朱
砂菌轄竹名楷荆屬可爲矢三邦謂綏要荒三服之
地荆去畿甸遠外連諸夷正當南方綏要荒之內獨
于荆云者冀偏北而南土廣也底貢猶言成賦厥名
土物著名者卽菁茅之類包裹也匭匣也菁茅茅之

有刺而三脊者祭祀用以縮酒卽春秋傳齊桓公問
楚不貢者也玄黑色纁絳色卽玄色之淺者皆謂幣
也璣珠之不圓者或云小珠也組綬類以貫璣蓋珮
也龜大者尺二寸神物非常貢也貢則有以賜之故
曰納錫此皆三邦厥名之貢也楚水宗江漢凡屬江
者皆江之沱凡通漢者皆漢之潛故曰江沱潛漢浮
舟荆境不離江漢北達帝都必經洛江漢與洛不相
通舍舟越陸而後入洛故曰逾也洛乃入河南河者
冀在河內荆在河南荆至南河則抵冀矣

荆河惟豫州伊洛瀍澗旣入于河榮波旣猪導河柯

澤被孟豬厥土惟壤下土墳壚奴厥田惟中上厥賦錯
上中厥貢漆枲絺紵在厥篚織纊曠錫貢磬錯浮于洛
達于河

九州始冀自北而東而南由荆至豫則斗入中央故
以荆山表豫豫境在荆山北河亦荆山之北卽今河
南境也當九州中風氣和舒故曰豫伊洛瀍澗四水
名伊水出今陝西西安府商州熊耳山卽漢之上洛
縣也東北流至河南府洛陽縣入洛洛水出今商州
冢領山東北流至河南府鞏縣入河瀍水出今河南
府洛陽縣穀城山南流至偃師縣入洛澗水出今河

南府沔池縣東南流至新安縣入洛三水皆入洛同
洛入河也滎澤名本濟水出今河南懷慶府濟源縣
至溫縣入于河過河之南溢爲滎卽今開封府鄭州
滎澤縣也波亦水名周禮職方云豫州其浸波潒爾
雅云水自洛出爲波潒澤出今山東兗州府曹州定
陶縣被及也孟豬爾雅作孟諸周禮作望諸地在梁
國睢陽縣東北今河南歸德府虞城縣也潒澤當孟
豬下流潒澤旣導水不上溢故曰被言功被孟豬也
壚土黑色豫土皆柔成壤其磽瘠者墳散而色黑也
豫田居九州第四賦雜出第二重也臬麻也絺葛也

紆絲也。纖纖細綿也。磬，玉石磬也。錯，磨石也。詩曰：他山之石可以爲錯。二物非常貢用，則錫之，值使貢也。豫境近帝都，東者貢舟徑入于河，其西則由洛而後至河也。

華，化陽黑水。惟梁州岷嶓波旣藝，沱潛旣道。蔡蒙旅平，和夷底績。厥土青黎，厥田惟下上。厥賦下中，三錯厥貢。璆、珠、鐵、銀、鏤，漏、罍、磬、熊、羆、犀、象、狐、狸，織皮西傾，因桓是來。浮于潛，逾于沔，入于渭，亂于河。

梁在荆西，卽今四川。連陝西、雲南、貴州境，其地西據黑水，東至華山之陽。華山在今陝西西安府華陰縣。

黑水出張掖郡雞山卽今陝西甘州衛也黑水自雍州西北直下至于南海故梁雍二州西界皆據黑水岷山在今成都府茂州一名雪欄山江水所經也嶓嶓家山在今陝西漢中府寧羌州漢水所出也藝種植也江之旁流爲沱漢之旁流爲潛江漢發于梁盛于荆故梁荆皆言潛沱蔡蒙二山在今四川雅州旅敘也如詩云穀核維旅之旅古字通作臚序列之義言二山卽敘平治也或謂禹功成祭山曰旅夫九州山多矣何獨于梁雍之山旅祭邪和水名出西夷今雅州青衣江是也夷卽今四川天全六番招討司屬

夷也青黎土青黑色梁田居九州第七賦雜出或下
三則或中三則蜀地險阻田星散故其賦最不齊璆
王也鏤鐵之剛者可用以刻鏤熊羆狐狸四獸皆言
皮織罽屬帶毛曰皮西傾山名在今陝西洮州衛西
戎之境桓水發源于西傾西夷之貢因桓水東來舟
經梁境潛沔卽漢水之在梁地者有二源東源出今
陝西漢中府寧羌州始出爲漢東南流合沔西源在
今陝西鞏昌府秦州始出爲潛東流至寧羌與沔合
同爲漢也潛沔在梁分流故自潛越陸入沔以入于
渭今沔無入渭之道蓋中變也亂絕流橫渡也

黑水西河惟雍州弱水既西涇屬渭內註去漆沮既從
澧水攸同荆岐既旅終南惇物至于鳥鼠原隰底績至
于豬野三危既宅三苗丕敘厥土惟黃壤厥田惟上上
厥賦中下厥貢惟球琳琅玕浮于積石至于龍門西河
會于渭內織皮崑崙析支渠搜西戎卽敘

雍在梁北豫西南荆西北今之陝西境也其地四塞
故曰雍西據黑水東至西河河言西者主冀州也黑
水見梁州弱水地志在張掖郡今陝西甘肅也源
出吐谷渾界地勢西流便既導使西不復入中國也
涇水出今陝西平涼府涇州之百泉南流入渭渭水

出今臨洮府渭源縣鳥鼠山東流至西安府華州華陰縣入河汭水出今鳳翔府隴州弦蒲藪東流入于涇水內曰汭涇自渭北入也漆水出今鳳翔府麟遊縣東至西安府耀州與沮水合入渭沮水出今延安府宜君縣至耀州與漆水合至西安府同州朝邑縣入渭二水同入故曰從澧水出西安府鄠縣東流至咸陽縣入渭渭自鳥鼠而東涇水北注之漆沮東北注之澧水東南注之曰屬曰從曰同皆主渭言也荆山北條荆山在今西安府耀州富平縣岐山古岐周在今鳳翔府岐山縣終南山今西安府城之南山也

旅敘也說見前惇物山一名垂山在今西安府武功縣鳥鼠山在今臨洮府渭源縣六山皆定故同荆岐曰旅也原隰卽豬野澤在今西安府邠州或云休屠澤在今涼州衛三危山在今肅州衛舜遷三苗于此禹因治水併記之宅地可居也不敘苗民併得所也平成之功草木鳥獸皆欲得所況人類乎黃土之正色故雍田爲九州第一而賦居第六輕也球琳美玉也琅玕石似珠者珊瑚之屬積石山名在今臨洮府河州衛龍門山在今西安府韓城縣安國嶺禹鑿山通河起朔方今陝西寧夏衛自北而南千有餘里兩

相依山高則水在其下山峙則水止山開則水洩凡羣山之中必有源泉四瀆之源皆在名山之麓是以導水先導山因山爲防緣山爲道也導道也引也浩浩滔天何道可引觀山形綿亙卽知水勢趣向故敷土必先墮山因天地之自然孟氏謂行所無事水之遵此也世儒以堪輿風水之說附之蘇子瞻以三江爲辨水味以導山爲究地脉迂也岍岐荆三山皆在雍州壺口至恆八山皆在冀州逾于河者山形至此不斷越河相望如西河龍門呂梁不鑿則不開蔡仲默謂山不能越江河非也岍山卽今陝西鳳翔府隴

州吳嶽山也岐荆二山見雍州壺口山見冀州雷首山在今山西平陽府蒲州卽首陽山也太岳卽霍山見冀州底柱山在今河南府陝州大河中析城山在今山西澤州陽城縣王屋山在今河南懷慶府濟源縣濟水所出也或云在今山西平陽府絳州垣曲縣沅水所出也大行山在今河南懷慶府河內縣恆山在今北京真定府定州曲陽縣碣石山見冀州入于海言北條之水皆隨山勢入海也以上十有二山謂北條者大河以北之山也西傾山見梁州朱圉山在今陝西鞏昌府伏羌縣鳥鼠山見雍州太華山在今

西安府華州華陰縣熊耳山在今陝西西安府商州
外方山卽嵩山在今河南河南府登封縣桐柏山在
今河南南陽府唐縣淮水所出也陪尾山在今湖廣
德安府安陸縣以上八山謂之中條者大河以南之
山也嶓冢山見梁州漢水所出荆山見荊州內方山
在今湖廣承天府荊門州大別山在今湖廣漢陽府
漢陽縣漢水入江處卽夏口也以上四山謂之南條
者江漢北境之山也岷山見梁州衡山見荊州過九
江謂山勢連亘越東陵諸水而趣東北也九江詳荆
州敷淺原地名或云卽今江西九江府德安縣博陽

山愚按平地曰原而敷淺之名尤不似山今大江以東吳會之地濱江海沙平水淺江南山水至此盡而入于海矣蔡仲默謂衡山不能越湘水而北以廬阜當之據導山爲解然經文畧指其形勢相望何必定指山以上謂之南條者江漢以南之山也蓋水自西趣東爲中國患莫如河江漢所以備道其源委規畫其地勢不及濟淮洛渭者導岍岐至王屋則濟也導西傾至桐柏則伊洛淮渭也鄭康成以爲四列正謂此

導弱水至于合黎餘波入于流沙導黑水至于三危入

于南海

自此以下五節皆隨山導水也導水九此弱水黑水在九州外弱水西流黑水南流皆不入中國蔡仲默云中國山勢岡脊皆自西北來積石岷山岡脊以東之水既入于河漢岷江其岡脊以西之水卽爲弱水黑水弱水見雍州合黎山名在今陝西甘州孔註以爲水名在流沙之東流沙亦在甘州一名居延澤弱水不能載物而善消由合黎入于居延澤餘波盡消也黑水見梁州三危山見雍州黑水直趨南海今雲南有西洱河瀾滄江等水卽黑水所通蘇子瞻云河

自積石西多伏流故黑水得越河入南海亦臆度之說大抵二水越在絕域與大河之源經皆不言所自出而古今變革踪跡茫然未可強質蓋西北絕遠二水爲雍梁邊界故特誌之因見河江漢三條外崑崙諸國以西水自有西南流者不强之使東耳

導河積石至于龍門南至于華陰東至于底柱又東至于孟津東過洛汭至于大伾北過降水至于大陸又北播爲九河同爲逆河入于海

此導河也河源絕遠經不言所出以非九州域內也自昔窮河源者三初漢使張騫云河出西域有二源

一葱嶺一千闕。北流與葱嶺合。東注于鹽澤。距玉門關外三百餘里。其水伏流千里。至積石而再出。至唐使薛元鼎入吐蕃。出塞西三千餘里。云河源出吐蕃西南悶磨黎山。卽所謂崑崙也。至元入中國。特使訪求云。河源出西蕃星宿海。東北流至今陝西臨洮府蘭州。凡四千五百餘里。始入中國境。又東北流入虜境。凡二千五百餘里。復轉河套東。又南流一千八百餘里。至今山西蒲州。卽陝西韓城龍門界也。通計河流至此。經蕃夏共九千餘里。此元人之說。近是。積石見雍州。河勢約千里一曲。自積石北流。轉東復南。約

三千里抵龍門爲西河龍門見雍州南至華山之北
復折而東爲南河至底柱孟津底柱見導山孟津在
今河南懷慶府孟縣又東過洛汭洛水自南來會而
河東行過其內故曰汭在今河南府鞏縣東又東至
大伾山一名黎陽山在今北京大名府濬縣又折而
北爲東河過降水地志降水在信都縣今北京順德
府邢臺縣古信都也大陸澤名見冀州卽今順德府
鉅鹿縣廣阿澤按河至龍門以東地多平行古河道
近北卽今真定順德二府皆古大陸地不必定指廣
阿而廣阿亦因大陸得名大抵北條之大陸九河猶

南條之九江敷淺原非區區一所也。逆河者河至大陸以北散爲九派將入海復同爲一以其迎受九河之水而歸于海故曰逆河。周頌云允由翕河卽同爲逆河之義。

嶓冢導漢東流爲漢又東句爲滄浪之水過三澨至于大別南入于江句東匯會澤爲彭蠡句東句爲北江入于海。

此導漢也。嶓冢山有二皆漢水所自出也。詳見梁州。初出爲漢水東流至寧羗州合潛沔爲漢滄浪水在今湖廣承天府沔陽州古之竟陵也。三澨水又過滄

浪東則今湖廣之漢陽府漢川縣古之江夏地也漢
沔滄浪三澨所在異名皆漢也大別山見導山漢水
至大別山南入江而東流至江西九江府湖口縣匯
爲彭蠡澤卽今鄱陽湖在江之西南匯會也江自岷
來尚小惟漢水自北入東流始大西壅彭蠡廻合爲
澤漢與江流俱東而漢爲北江入于海矣蓋南條之
水無大于江漢然自大別以東但見江不見漢故分
疏言之明江所以大于大別東者與漢合也所以尤
大于九江東者又與東陵彭蠡諸水合也蓋本一江
由大別而下漢自北入合之故江曰江而漢曰北江

明不沒漢也由九江而下東陵諸水又自南來會之
故東陵曰匯而江曰中江以明不沒東陵彭蠡也蘇
子瞻頗得解而嘗味之說特迂經義本了然朱元晦
極稱其謬蔡仲默耳食朱說遂謂彭蠡不仰江漢然
無江漢彭蠡安能成澤惟江漢外漲而後彭蠡內匯
且安知古之彭蠡不早于今日而江漢不灌注入乎
夫禹貢以千二百字貫穿四海九州千百年規畫如
在掌上是必有恢弘豁達之度然後是書可讀大規
摹可掬不然千里記一山萬里記一水何處不紕漏
而豈但東爲比江東爲中江也字比句櫛妄增岐實

遂謂尚書不須盡解。是何言與。此條凡四言東。記漢水入江東流。入海之次。末言爲北江入于海者。總結上文導漢而言。漢旣入于江。故不得復言漢言北江耳。

岷山導江。句東。句別爲沱。又東。句至于澧。句過九江。至于東陵。句東。句迤。句以比會爲匯。句東。句爲中江。入于海。此導江也。凡言導者。皆引其流。非窮其源也。如河源不始于積石。而導由積石。江漢不始于岷嶓。而導由岷嶓也。岷山在今四川成都府茂州。江水所經也。江源出今松潘衛西二百三十里。大分水嶺。北流入陝。

西沱河南流入其松嶺東經松潘城而岷山又在松
潘城東三十里自分水嶺至成都凡九百九十里水
尚小自成都東流千五百里至瀘州以東馬湖嘉陵
江涪江巴江等水合而江始大別出者曰沱岷江東
流而沱南出散爲東陵諸水今湖廣荊州府城陵磯
江水南與洞庭青草湖接湘沅西澧辰敘諸水分布
東南諸郡是爲九江澧水在今辰州府沅陵縣楚辭
所謂澧浦也江自夷陵入荆爲西陵南過九江爲東
陵西北山高土平東南地卑多丘阜故南方諸郡古
多稱陵今承天曰竟陵荊州曰江陵岳州曰巴陵長

沙曰茶陵衡州曰零陵常德曰武陵辰州曰沅陵寶慶曰邵陵今江西吉安南昌九江等府與荆接壤亦曰廬陵曰歷陵曰陰陵皆所謂東陵也江南諸水自衡山東北由江西袁州臨安諸府迤北至彭蠡入于江自庾嶺以北由贛州吉安南安諸府亦北至彭蠡入于江蘇子瞻謂豫章之江爲南江是也江皆自洞庭別而南去皆由彭蠡會而北來故曰匯匯者會也首言東者江未別時合流而東也再四言東者江與沱別分流而東也東爲中江入于海者總結上文言江以終導江之義曰中江明江之正派自西直東也

曰別明江之播散而南也。然漢言北江此不言者。漢本非江而合于江。故言江以合之。九江亦本江而別于江。故不復言江。以示弗別也。蓋地勢西北高東南下。江北受漢之委而南。不全受九江之委。故于大別言八。而于東陵言匯。然无江漢則九江東陵亦不能自匯。所以分合言之。而江南北之水源委聚散脉絡分明。指諸掌矣。顧其文勢變幻。讀者卒未易解耳。

導沅沅水東流爲濟。入于河。溢爲滎。東出于陶丘北。又東至于荷。又東北會爲汶。又北東入于海。導淮自桐柏。

東會于泗沂東入于海導渭自鳥鼠同穴東會于澧又東會于涇又東過漆沮入于河導洛自熊耳東北會于澗瀍又東會于伊又東北入于河

此導濟淮渭洛四水助河爲患于北條者其他小水不及也濟盛于青兗而出于冀之王屋山初出爲沔在今山西平陽府絳州垣曲縣旣見而伏潛行地下東流至今河南懷慶府濟源縣復出爲東西二源合流至本府溫縣西南入河亦猶漢之始出爲漾也濟入河而南溢爲滎卽今河南開封府鄭州滎澤縣今塞爲平壤矣滎自河溢而能別其爲濟者河濁濟清

河因濟溢當濟下流自知爲濟也陶丘卽今山東兗州府曹州定陶縣地荷澤在陶丘東北汶水見青州導濟與萊東至陶丘北又東至荷澤又東北遇汶水于今兗州府東平州合流至青州府博興縣入海淮水盛于徐揚而出于豫之桐柏山東流至徐與泗沂二水合又東至淮浦入于海桐柏山見導山泗沂見徐州會遇合也濟旣合汶則不復言汶淮旣合泗沂則不復言淮皆主受者言猶漢旣入江不言漢言北江正以此渭雍水出雍之鳥鼠山同穴卽鳥鼠連山也澧涇漆沮四水見雍州渭至華州華陰縣入于河

洛豫水詳豫州熊耳山與太華熊耳異此熊耳在今河南府陝州豫境洛水所經也太華熊耳在今陝西西安府商州雍境伊水所出也瀍澗伊三水併見豫州

九州攸同四隩都既宅九山刊旅九川滌源九澤既陂四海會同六府孔修庶土交正底慎財賦咸則三壤成賦中邦

此總敘敷土功成地有常賦所以爲禹貢也同者調理隨宜咸得其所也四四方也隩隈也猶言率土之濱盡四方邊裔皆已安居也九山九州之山刊芟除

也。旅猶敘也。詳見梁州九州之川各滌其源九州之澤各歸其陂四海朝貢會同于帝京水火金木土穀六者財用之府皆已脩理山林川澤庶土之辨皆相較正以定慎其財賦之所出至于田有上中下三壤三壤之中又各分三壤高下有等舊弊盡剔九州之賦莫不以此爲則而立成法于中邦中邦謂畿甸也堯都冀州如冀州田本中中卽依中中成賦蓋農爲國本均稅政之首務畿甸賦正則五服皆取正矣至于職方四夷筐篚之貢無常制者不在此數

錫土姓祗台怡德先不距朕行五百里甸服百里賦納

總二百里納銍只三百里納秸要服四百里粟五百里
米五百里侯服百里采二百里男邦三百里諸侯五百
里綏服三百里揆文教二百里奮武衛五百里平蠻服三
百里夷二百里蔡聲五百里荒服三百里蠻二百里流
東漸于海西被于流沙朔南暨聲教訖于四海禹錫玄
圭告厥成功

此水土平而畫五服建萬國也土姓猶言國號錫之
土以建國錫之姓以明宗雖下文甸侯綏要荒之類
亦土姓也古者姓氏多因其土胙之土卽賜之姓如
殷周之類皆是祗敬也台猶我也對錫土姓之諸侯

及六服臣民而稱我也九州之遠兆民之衆所以祇服者惟我能以德先之故不違距我之行言貢及此亦垂戒之意甸侯綏要荒五者通九州之地爲五天子甸服居中餘四服自內而外以次周羅每五百里爲一服合五服之地四方各五千里也服附也如服之附于體也天子畿內四方各五百里合爲千里謂之甸者佃治其田而納賦也農爲國本則三壤以成賦自中邦始故特以甸名數之多少酌費之經未可預定至于地有遠近輸將有勞逸則不可無定法故分甸服爲五等每百里一等內百里最近取用不時

輸納亦便爲米爲粟爲乾秸爲生芻則壤兼取故謂之總二百里亦近米粟之外兼納銍穫之新穀以供薪芻地近及秋穫而至故曰銍三百里稍遠粟米之外兼納乾秸使服送至京師及冬方至蓋枯秸耳四百里遠惟令納粟粟連穫可久儲也五百里尤遠惟納米省轉運以節其勞也此中邦之法侯綏皆取則也環甸外又五百里以分封諸臣謂之侯服亦分五等近甸百里爲卿大夫供事者之采地采事也有事則受地非專封也外一百里爲男邦男小國也使居中又三百里爲侯大國使居外或曰男任王事故居

中侯遠斥侯故居外此侯服也環侯服外又五百里
以內護侯甸外捍要荒綏安中外故謂綏服亦分二
等內三百里揆度文教外二百里奮揚武衛文以治
內武以禦外文事多而武功少此綏服之制也環綏
服外又五百里去甸服又遠矣欲整齊之使同于內
則勢不及欲割棄之使離于外則形相依故但以要
約羈縻謂之要服亦分二等內三百里爲夷夷者易
而無煩科也外二百里爲蔡蔡者採也以採放罪人
也春秋傳蔡蔡叔此要服也環要服外又五百里愈
遠矣隨其俗因其便勿責之使治勿擾之使亂荒之

而已亦分二等內二百里爲蠻蠻者慢也外三百里爲流流竄凶人也蓋蔡輕而流重流遠而蔡近也總計五服之地東西南北財五千里天子所以中天地撫民物奠丕基鴻大化者也而其數惟五兼參兩之全協籌範之中五服五百五千三其五而天地帝王之事畢地不求廣宅中爲大功不務遠安內爲先或者疑疆理太狹周制九服倍于禹蹟秦漢隋唐延袤萬里蓋周秦疆理已盡四海而禹貢奠基爲萬世宅中之規而已非必定以冀方爲中極而盡四海爲邊裔也九州之境比盡于冀如必拘此則冀比無侯綏

而荆南多棄地矣此論立國規制云爾若其聲教東至海西至流沙自朔北而南莫不暨及訖于四海亦惟是畿甸爲根本侯綏要荒相維四達不距有台德以爲之先而誰能距朕行者乎言朔南而不言北者禹績極于東西而南爲次北無水故不及極西北者水源也禹功既成舜錫以玄王之圭爲受命之瑞卽天子之大圭遂禪以帝位也玄水德之象告厥成功以禹功德告于天地宗廟也錫禹而謂禹錫者夏史尊禹之辭古語多類此猶諸侯朝而曰朝諸侯也世儒疑禹父死子用而功成何也滔天之患欲官不

易業一舉成功卽堯不能任而況鯀乎故爲鯀亦未
易也然大患方殷九載罔績不戒胡懲故鯀亦不可
不誅也鯀誅而代者無禹之聖非鯀之子功亦未必
成其父敗事責其子償子蓋父愆勉卒父業故禹必
不可不用也天捨其父而畀以聖子舜用其子而不
念其父故舜之用禹不疑而禹之事舜不怨君臣父
子間皆極天下之至公也蓋天下之大舉以授臣君
旣不敢私其子殺人之辟與衆共棄臣亦何敢怨其
君自禹家天下而人言德衰後世儒者議禮說春秋
始大復讐矣嗟乎使禹脩父怨則千古無君臣使禹

不傳啓則千古無父子。故禹之爲子。雖無舜底豫之事。而與舜同孝。舜之爲父。雖無禹傳子之事。而與禹同慈。其所以處父子君臣之間者。易地則皆然。故孔子同贊其巍巍有天下不與。而于禹必曰吾無間然。亦恐好事者有德衰之議耳。

甘誓

此夏啟討有扈而誓師之辭。甘地名。約信曰誓。君子讀甘誓而知唐虞之風微。商周之運至矣。孔子刪書存此篇一以誌夏之繼世一以表啟之克家事雖征伐而其旨渾厚數敵之罪不至溢惡其言簡當戒衆之令不費多辭夏道所以爲忠也。

大戰于甘乃召六卿王曰嗟六事之人予誓告汝有扈氏威侮五行怠棄三正天用勦絕其命今予惟恭行天之罰左不攻于左汝不恭命右不攻于右汝不恭命御非其馬之正汝不恭命用命賞于祖弗用命戮于社予

則孥戮汝

夏啟之世有扈氏叛王師親討大戰于甘其扈郊也
今陝西西安府鄠縣古扈國也夫啟之去禹未久以
敬承之子克先台德而時乃有距行者何哉豈非以
繼易禪狡焉者借爲口實邪史臣于篇首不言所以
第云大戰于甘帝王升降之際讀者可默識矣六卿
分統六師天子六師皆卿統之將戰而王誓告也五
行謂水火木金土之運三正謂子丑寅之建始王者
撫五辰奉三正諸侯同寅協恭共承天道故臯陶謨
曰百工惟時今有扈不恭威侮五行是天道不足信

也怠棄三正是正朔不足守也不枚數其事而槩舉其悖天違時如此所以明天討而有扈得罪之故亦可知矣。勦斷也。左右軍陣之左右。凡陣左爲陽右爲陰。右爲前左爲後。右則進左則退。皆視中軍指揮。御中軍車者。當左則左當右則右。是御得馬之正也。祖謂天子親征則載遷廟之主與社主行。祖居左有功告之以賞。社居右有罪告之以殺也。孥子也。謂收其親屬也。戮殺也。戮于社正法也。予則孥戮汝。甚其辭以戒之言。沒其家屬爲奴。非必盡殺之也。古者罰弗及嗣。唐虞無誓亦無此刑。可以觀世變矣。

尚書辨解卷二夏書終